

## Послание 4-е

Мудрого убо речение: яко в злохитру и лукаву душу  
премудрость не вселится,

И еще аще кто братем своим възгордится.

Христос и бог наш всех нас учит,

Аще кто и всю землю премудрость изучит.

5 И не повелевает ему хвалиться,

И лестными и лукавами словесы кому з другом своим любитися.

Утаити ли кто хошет лукавое любление,

Человеколюбец же бог зрит всех нас сердечное мышление.

Есть бо лукавство и не утаится,

10 Развращенными словесы лестный друг обявится.

Ныне же слышим от тебе про себе поносныя глаголы,

Еже бо и всякому творят сердечные расколы.

Цена убо велика и неизменна нелестну другу,

Сопричтенна будет отчасти солнечном<sup>а</sup> светосиянному кругу.

15 А злохитрому и лестному ни едина будет цата,

Всегда бо недобрым словом поносит своего брата.

л. 243 об.  
(324 об.)

Аще еси и всех человек зовешися мудрее быти,

Но обаче божественнаго писания не мочно никому до конца изучити.

Яко же силна кладезя немощно ведром изнести,

20 Тако и божественнаго писания количеством не изчести.

Аще кто похвалится вся ведети, той солжет,

И сам на себе зазорное слово несет.

И кто тебе научил таковому злomu коварству,

И мнози люди зазирают твоему нелепому лукавству.

25 Что хупишиися и хвалишиися выше своея меры,

А мы и все христоименитыя своя веры.

И не подобает нам мудростями своими хвалиться,

Токмо достоин всем о кресте Христове возноситься.

Свидетеля самого себе на тебе постоваем,

30 И всесилнаго бога с молением зрети призываем.

Яко вси в чем от тебе не скривахомся,

И во всем к тебе сердечне простирахомся.

л. 244 (325)

Ты же льстил нам тогда аки некий злый, лукавый лис,

И всегдашний убогаго нашего дому вис.

35 Хотя от нас грешных слышати многих божественных словес,

Мы же, убозии, преподавахом тебе не в век.

Аки некий тщий сосуд пшеницею предполяли,

Теми божественными словесы ум твой напояли.

А того злаго лукавства и лести в тебе не знали,

40 Аще бы и ведали и мы тебе отнюдь тако и не открывали.

А есть и тогда проноречение твое в тебе зрели,

Да во очи тебе глаголати не посмели.

Что не хотя тебя раздражати,

И духовнаго союза с тобою разрушити<sup>б</sup>

45 И яко некоторый младенец от сосцу матерню питался,

Тако и ты от наших многогрешных божественных словес насыщавался.

И еще не смеем дерзо рещи, яко некоторый от безсловесных,

От крупиц, падающих от нас, грешных, принимал.

И всякое речение радостне начертывал.

<sup>а</sup> Так в ркп.

<sup>б</sup> Так в ркп.